

秦安县志

(清道光十八年严长宦总修)

收集编整 星火



2007 年 5 月第一次 2008 年第二次

李郁四川巴人嘉靖己酉以國子生授任憂歸尋罷
 張瓊四川巴州人嘉靖戊申以國子生授任
 陶佺四川蒼溪人嘉靖癸丑以國子生授任
 典史

王從善直隸霸州人嘉靖丁酉以掾授任事雖不
 長於幹濟然亦質實而於人無忤乃至九載考
 績云

邢廷臣山東莘人嘉靖庚戌自河西通運使陞
 任猶僕僕於送迎於縣事亦若勤勤然者歲癸

嘉靖四

廿

丑遷湖廣桃源倉使縣司陞遷自此始

趙臣直隸曲周人嘉靖乙卯以掾授任

巡檢

張九成垣曲人劉武太原人黃麒霸州人

賈德真永平人聶永祿忻人呂正本齊人

李宗仁寶坻人九成有力永祿能幹

訓科 王朝人

例籍名于省而未謂選四人陰陽學

劉宗仁 甚 醫學 楊春 王允

補遺

教諭郭璫直隸遷安縣人國子生嘉靖乙巳自
學訓導陞任任未三載以年致仕歸比與
崔司訓同案篤厚之志相孚日相與慥慥與猗
氏耿司訓高相繼士子予之

可泉子曰莫不曰政主之縣教掌之學然令尹
提調者也政修而教達焉文學誨導者也教敷
而政豫焉教學道政也亦教也修已教也亦政也
職官志三

秦邑志三

秦邑志三

禮制志第四

秦安志五

學生胡補胡複校

胡纘宗曰夫一郡有一郡之禮一邑有一邑之禮然皆出於大宗伯宗伯掌邦禮用之朝廷而達之天下也于以治神人于以和上下故守行其禮則不失其爲守令行其禮則不失其爲令而天下治矣固未有舍是禮而能治國者抑豈有舍是禮而能治郡治邑者哉故曰先王之道斯爲美

125

秦安志五

歲正旦

聖誕長至先一日知縣具儀仗帥僚屬已下習儀於梵宮其日五夜俱朝服於縣庭行

慶賀禮如

制

歲二月八月上丁日祭孔子 上戌日祭社稷

之神 上巳日祭風雲雷雨之神山川之神城隍之神

制也

歲三月清明七月望日十月朔日知縣出城隍

126

之主于厲壇榜無祀鬼神而祭之制也

月朔望知縣詣孔廟詣城隍廟晨參之如今

歲立春先一日知縣帥僚屬迎春於縣東郊至

日昧爽知縣以下具朝服行鞭春禮制也

歲正月望日十月朔日知縣設鄉飲酒于學行

鄉飲禮如制古有琴有瑟有主有磬有柷有

有碑今止有觶有爵有鼓有鐘胡纘宗曰賓以

下為賓主人以下為主人賓俱列於右主俱列

於左其分明矣至於高致仕官代之非也又有

而非主也今類以年高致仕官代之非也又有

以府州同知縣丞代之者亦非也傳曰僕者鄉

人仕至大夫可約而遵法者也又曰僕所以輔

賓者也觀此則知僕矣

鄉射禮弘治丁巳提學按察副使楊公壽行

諸學習行之時教諭彌高行之如儀禮今久不

舉矣胡纘宗曰於乎古禮之行於今者唯鄉飲

與射耳鄉飲今視為故事鄉射今視為廢

典欲古道之復於今不難矣哉

鄉社鄉稷之禮久未行行不在人邪
鄉厲之禮弘治間尚行之近不聞有行者矣鄉
人所賴以生者土穀也夫何可不祀邪
冠昏喪祭禮弘治戊午教諭彌高奉提學楊公

劄子咸習行如朱字家禮今久亦不舉矣而祭禮喪禮諸士大夫家多放家禮以行者雖不盡合然絕不用浮屠不媿於儒先云
民間昏禮不計財亦不計粧奩少文之以禮斯善矣其有備酒百席遍邀諸鄉友以飲者於甥頗費於舅亦無益祇售一虛聲耳非禮也
民間致祭於親故率國侈然舉者不及物愛者不成享此之謂費而不惠使潔三五帝席以為祭量幣多寡以為賄斯不當於禮乎

秦安志五

三

民間有作會以助喪者亦庶幾隣黨鄉邨之義但雜以宴會於禮乖矣

民間壽酒於長者坐跪獻之禮也然於禮不盡合愚以為於有服之長者於父執之尊者行之餘祇揖可也

孔廟在學前中為殿東西為庑前為戟門為泮池為櫺星門

壇南

社稷壇在縣南郭中為門西為門西為齊為庫為厨為宰牲所

風雲雷雨山川壇在縣北郭西中爲壇南北
門西爲齋爲庫爲廚爲宰牲所
城隍廟在縣東德星坊中爲堂後爲後堂東西
爲廊前爲儀門爲門
邑厲壇在縣北郭內中爲壇外爲門
鄉厲壇十坊廂者在南郭餘在各里中爲壇外
爲壇

名宦祠嘉靖間知縣繼先誤建於孔廟戟門前
之西今當改建以祀 國朝暢宣宋珍李杲胡

朱安志

彌高

鄉賢祠知縣繼先誤與名宦祠同建今當改建
以祀漢郭整晉郭荷唐權皋權德輿

土地祠在縣儀門外東知縣月朔望晨參焉
文媧廟廟建遠矣媧皇秦人祀似不可廢者今
廢久矣

九龍廟九龍名山縣所主也與廟山所建天齊
宮當並祀之禮也

朝賀儀仗五十有四

龍亭一龍幄椅盥香亭並如龍亭之數戟二戟
 麾戈麾班劔儀刀梧杖立瓜卧瓜骨及蹬杖斧
 響節令旂並如戟之數鉦一鼓十有二
 天丁六十有一冠袍帶鞞並如其數
 禮器百有八十
 登十鄒二十簋四土有簋如簋之數籩八十豆
 如籩之數俎八
 戟三十闕

養濟院在縣前西設以養民間之鰥者寡者孤

者月有糧季有薪歲有幣制也
 漏澤園在縣南一里許正德間知縣繼先買民
 地而創為之者以葬民之死而無歸者禮也

學校志第五

秦安志六

學生胡補胡祥校

胡續宗曰學校風化所由出也人物所由作也
縣以治學以教教立而人才出風俗美縣斯治
矣故文翁治蜀不言政而言教蜀頌文翁不言
治而言化人有言學校爲政之先務諒哉
邑有學

135

秦安志六

制也學設教諭一人導二人以敷教學生二
十人增廣生二十人附學生不限以數唯

以承教

136

國家作人之制詳矣於學生日有膳月有
復其丁學月考之縣季考之提學按察分
考之夫是之謂教也每二歲貢於禮部一
興於布政使司舉於禮部大對於
廷者唯其人制也

學在縣東南前爲孔廟中爲

一亭爲明倫堂三楹東爲窮理齋三楹西

三楹齋三楹齋之前東西爲學舍十間又

東爲儀門儀門之東舊亦爲學舍今爲訓導宅
齋之西舊爲教諭宅其南爲射圃今爲
啓聖公祠儀門之前爲門明倫堂之後舊爲講
堂爲饌堂今俱闕

東爲風化坊西爲彝倫坊

學北抵街南抵城東舊抵街今抵民家西抵李
知縣周縣丞家廣二十有一丈有二尺長三十
有四丈

學建於元大德元年建者知縣宗也修於

國朝洪武初年修者知縣昭也成化間知縣珍
加修焉弘治間知縣森又加修焉正德初知縣
威又加修焉嘉靖壬辰知縣世英又將加修乃
先自櫺星門始

社學十

察院南一 縣前西一 陽元川一 邵店一

隴城二

舊城一
新城一

開門關一

郭嘉鎮一

設以教鄉人之子弟習讀經書者
舉

永樂甲午科一人

董鈞秦人未仕卒兄子綱族孫治道

宣德丁卯科一人

關恕秦人未仕卒兄子緒族孫清曾孫治教

弘治乙卯科一人

王綸秦人以國子生領薦詳載列傳中

弘治辛酉科二人

成文林字翰卿秦人文林少聰穎讀書汲汲如不及誦易義不下數萬言既舉於鄉與予同卒

崇京師好友江南諸名士每讀書必至夜分或少倦則淬面以水至鷄鳴始寐初志軒昂且喜奢視取進士如拾芥及不第則恚恚然奮激不勝既歸自京師乃勉勉和易不復豪放矣不幸三十有三而卒

胡績宗字孝思改世甫

弘治甲子科三人

丁繼文字宗周繼文性明敏自少讀書長安乃取友長安諸名士與文林俱長於周易亦好古

文辭提學按察諸先生每稱之于諸兄弟于
焉於諸鄉舊煦煦焉既舉于鄉舉進士不第限
於年乃署山西潞州學訓導事在潞州二年與
諸士子惟孳孳向學而束修以上之禮不問也
有潞以憂歸與子謀曰欲廣大其業盍學諸都
乃復除順天府學在順天三年學且廣大矣
乃三十有七而卒

侯一元字應乾

陳善字敬之秦人善質朴不外飾與人交久暫

心如是坦坦如也舉於鄉十年仕為河南許州
同知書生乍服官政則欲以古人待今人而不
知今人皆不古人也鮮不為所傾矣

正德丁卯科一人

李岱字仲充仲充性穎慧讀書不求甚解而自
怡然其為人剛直不阿所性坦坦如也既舉于鄉
嘉靖丁亥出宰河南考城考城號難治岱雅不
樂世態低昂故宰考城三年恒以已視人於人
不以詐不以不信政既有成矣百姓莫不便其

直率而豪猾則病其不與已同也有中傷之者
岱乃歸

正德戊辰科呂柟榜一人

胡績宗授翰林院檢討校修

敬皇帝實錄加俸一級調四川嘉定州判官進
潼川州知州南京戶部員外郎郎中改南京吏
部進直隸安慶府知府改蘇州府進山東布政
使司左參政改浙江布政使司調山西布政使
司進本司右布政使

正德庚午科三人

王朝元字應徵少拆節讀書經史必求淹貫恒
百倍其功焉而性沉默累舉進士不第其志不
已也己乃入選選部列之上第授四川劍州
知州在劍州奮於持法核弊杜諸請託其志渾
洋也乃反為黠傲者所梗遂歸

孫述先字世美領薦之明年以乙榜署山西安
邑縣教諭以憂歸復除文水縣以薦進國子監
助教凡三為學職皆以道義誨人諸生知其介

不可奪也無敢以束脩進者轉山西太原府通判提督三閩邊儲素難會計述先生以臨之然以持守與當道不合調山東登州府猶夫慎而守也於當道復不合遂歸述先長者也云一舉足不可踰禮一發言不可畔道故不知者以為迂知者以為近裏云

李元芳字子實仕為順天府宛平縣知縣

正德癸酉科一人

王謨字汝嘉秦人

秦安志六

六

甲
正德早戌科唐舉榜一人

侯一元詳戴列傳中

嘉靖乙酉科一人

王正人字端本秦人授河南葉縣學教諭進山

西屯留縣知縣

嘉靖戊子科一人

關治教字以化

姜汝奇字常伯秦人少孤而貧人不知堪其貧汝奇誦讀自若也舉于鄉三年乃卒業京師日

孳孳誦讀不懈其友知其勞也勉之其僕見其
瘁也勸之汝奇益孳孳誦讀不懈乃遂嬰疾卒
年才二十有七耳

貢

每二歲貢一人或一歲貢一人于國子者七十
有一人

劉紀 楊信 楊禮 安懋 桑世雄詳俱哉
列傳中 周泰秦人仕為山東寧陽縣主簿孫
普 張恒 張敏仕為河陽衛經歷 劉恭

秦安志六

七

王福 王輔 李義 王璟 李信詳俱載列
傳中 侯俊秦人仕為河南胙城縣丞族孫憲
李浩秦人仕為湖廣黃梅縣主簿 王鳳秦
人仕為直隸元城縣丞孫庭 馮紱秦人仕為
山東安丘縣丞 胡氏諱璉詳載列傳中 楊
勉秦人仕為山西鎮虜衛經歷 孫傑字士英
秦人仕為直隸武清衛經歷性梗直好言吏病
監諸通州以清白自持中官有以賄于儲者
奏罷之九載或以考績勸答曰吾不仕矣遂致

事歸子鎰。李氏諱紀字伯英秦人其先扶
 人成化間與南皮府君王璟交稱二益焉伯英
 剛直不阿二先生並以文學稱隣境士友多相
 資者未仕卒兄子用子鳳從孫崇嵐孫崇岱曾
 孫元芳元甫伯英先宜人也張壽秦人未仕卒
 桑宏隴人未仕卒丁泰字孟和秦人仕爲河
 南睢陽衛知事子儀孫繼文成緡秦人未仕
 卒王詔未仕卒姬明秦人未仕卒成性
 秦人仕爲浙江嘉善縣主簿劉澤字汝霖秦

人仕爲山西太原左衛經歷楊俊秦人未仕
 卒董綱未仕卒齊整字文飭秦人仕爲直
 隸完縣主簿司柴易州廩子卿楊休字子英
 秦人仕爲中城兵馬指揮司吏目李威秦人
 仕爲山東青州府倉副使威以貧告選故授以
 倉史關緒未仕卒趙進秦人未仕卒
 胡纘宗曰諸君子志行業未必無可稱者語
 牒不足徵雖其子孫亦莫能咨考也故不載載
 其可咨考者

柴魯字希賢隴人仕為直隸松江府檢校魯魏
 施而嘉^喜奢亦欲為江左華靡而卒不能後澹
 矣 李延字延陵秦人仕為山西清源縣丞清
 源號難治延知法家而諳于吏事故不為清源
 所侮 安寧字宗謚秦人仕為山西芮城縣學
 訓導寧亦諳于法家以舉人數不足左遷河泊
 官包宏秦人未仕卒^閏 孫鎰字仲金仕為
 順天府寶坻縣主簿在寶坻有權貴奪民田
 民不能直竟直之權貴銜孫先生孫先生不為

秦安志六

九

動性好儉潔好而長於教人教人多成立乃以
 剛直於人不合而歸子述先 胡氏諱士濟詳
 載列傳中 胡氏諱士淇詳載列傳中 趙昂
 字宗嚴秦人昂性諱^謙下見人如恐傷之未仕授
 承事郎李崇字尚德尚德篤厚人也居鄉接人
 業業然唯謹弘治間仕為四川仁壽縣主簿仁
 壽素稱難治尚德亦業業然唯謹應事臨民
 不迫不緩猶夫處鄉也以憂歸後復除山東武
 城縣而民事益諳宦蹟益著而事皆從容就理